



Број/Број: 03/1-50-1-7-40 -3b/09
Сарајево/Sarajevo: 10.6.2009.

Članovima Zajedničke komisije:

Šefiku Džaferoviću, Vinku Zoriću, Dragi Kalabiću, Mirku Okoliću, Jozi Križanoviću, Sulejmanu Tihiću, Hazimu Rančiću, Branku Zrni, Ivi Miri Joviću, Dušanki Majkić, Slobodanu Šarabi i Ademu Huskiću

PREDMET: Informacija o održanom sastanku s delegacijom Ministarstva vanjskih poslova Kraljevine Švedske, 27.5.2009.
Veza, akt broj: 01,02,03,03/1-05-529/09

Predstavници Zajedničke komisije za odbranu i sigurnost BiH sastali su se, 27.5.2009., s delegacijom Ministarstva vanjskih poslova Kraljevine Švedske.

Sastanku su, u ime Zajedničke komisije, prisustvovali: Slobodan Šaraba, drugi zamjenik predsjedavajućeg, Adem Huskić i Jozo Križanović, članovi, Dragica Hinić, sekretar, i Jovica Katić, stručni saradnik.

U delegaciji Ministarstva vanjskih poslova-Odjel za podršku mirovnim operacijama Kraljevine Švedske - bili su: Carl-Magnus Eriksson, rukovodilac Odjela za podršku mirovnim operacijama, Anna Sundstrom, zadužena za pitanja misije „Althea“ u istom odjelu, Erik Widman, zadužen za pitanja EUPM-a u Odjelu, N.J.E. Bo William Hedberg, ambasador Kraljevine Švedske u BiH, i gosp. Tobias Axerup, prvi sekretar u Ambasadi Švedske u BiH.

Sastanak je održan s ciljem da se delegacija Ministarstva vanjskih poslova Kraljevine Švedske, uoči početka skorašnjeg predsjedavanja Švedske Evropskom unijom u periodu od 1. 7. 2009. do 31. 12. 2009., upozna sa svim aktivnostima i prisustvom predstavnika EU u BiH, i to u prvom redu vojne misije „Altea“ i policijske misije EUPM-a, kako bi preporučila daljnje smjernice djelovanja i angažmana ovih misija u BiH.

Slobodan Šaraba upoznao je goste s učešćem vojnih predstavnika Kraljevine Švedske u sastavu misija UNPROFOR-a, IFOR-a, SFOR-a, te snaga EUFOR-a, kao i s hronologijom misije „Althea“ u BiH, te stavom članova Zajedničke komisije u vezi s nastavkom ove misije u BiH. Naveo je da je BiH jasno opredijeljena kada je u pitanju pristup BiH NATO-u, te naglasio da naša zemlja želi krenuti u narednu fazu ka punopravnom članstvu kroz Akcioni plan za punopravno članstvo – MAP.

Razgovarano je o zakonima koji se nalaze na putu liberalizacije viznog režima BiH sa EU, a koji su u nadležnosti Zajedničke komisije, o provođenju ustavne reforme i rješavanju pitanja državne imovine, kao najaktuelnijim pitanjima u BiH, te o općoj sigurnosnoj situaciji u BiH i budućem angažmanu vojnih i policijskih misija EU u BiH, s ciljem daljnjeg očuvanja sigurnosti građana BiH.

Također, razgovarano je i o bosanskohercegovačkim vojnim misijama u inozemstvu, a poseban akcenat je stavljen na misiju „ISAF“ u Afganistanu, u kojoj BiH učestvuje u okviru snaga NATO-a.

Predstavnici Ministarstva vanjskih poslova Kraljevine Švedske zaključili su da će cjelokupni region Zapadnog Balkana biti visoki prioritet za vrijeme švedskog predsjedavanja EU, te da će Švedska pružiti svaku pomoć BiH na njenom putu ka EU. Zaključeno je i da je opće sigurnosno stanje u BiH stabilno, da je napravljen veliki napredak na ovom polju u posljednjih 12 godina, te da zemlja u ovoj sferi uopće ne zaostaje za zemljama u regionu.

Konstatirano je i da reforma odbrane u BiH nije završena. Od predstavnika Ministarstva vanjskih poslova Kraljevine Švedske zatražena je konkretna pomoć u rješavanju problema prikupljanja nelegalnog oružja iz posljednjeg rata u BiH, kao i problema rješavanja viška nestabilnog oružja i municije kojim BiH raspolaže. Naglašena je i potreba da Švedska tokom svog predsjedavanja EU ohrabri cijeli region na njihovom putu ka EU.

Drugi zamjenik predsjedavajućeg
Zajedničke komisije
Slobodan Šaraba